

歸綏縣志

蒲圻張國淦

局志 1318


4521

74716

地520.11

42

平四一三



歸綏縣志

吳興錢玄同題



歸綏縣志

民國二十三年北平文藝
印

於古今方志之書無不綜覽而後加
以概括身流而曰本觀指而知歸
歸我為斯學之權輿不獨區
為一縣發也其行文尤嚴峻有

法足以傳世而行遠

韋吳園生



友漁仁兄先生道座

中示奉志

大著陽侯志實為方乘名著篇首

一序考據精詳尤為彈見洽聞

不特以作康序

明河既無以相益耳爾後即以

著祀

韋吳園生

及漁先生執事承

示大著昧緹縣志並序

虛心下問拜讀一過既佩且慙弟於方
志之學夙所未諳豈有一得之愚足為
寰流之助惟平管窺所歷章實全先生
之文斐通義知古人之於史事至為纖悉
周官有五訓誦訓小史外史諸職掌方志
地備以備國史之取裁要剛故方志者實
國史之基礎也既為國史之基礎自應於
山川風俗物產人倫米撫蒸詳始為良志
此本撰方志之唯一要義前人除章氏外知之
者甚勉故舊時方志於國史多無甚裨益
今者社會之組織之情狀大異於疇昔史料
蒐集之重要百倍於曩時

大著米撫富贍體例謹嚴又辭亦雅允為
徵文攷獻者之良好資料佩甚、手頌

撰安不備

弟錢玄同頓首

廿四年五月廿五日

序

鄭明府少漁宰歸綏之三年其尊人友漁先生奉簡命典試綏遠試竣來故都約吾門東莞張次溪為寧武南君佩蘭刊行儀徵劉申叔遺書而友漁實綜編校之役一日手一帙語次溪云此歸綏縣志略說歸綏宜有志而嚮無也志雖草創凡城市郊壑道里山川溝防構築庫錢倉粟以及講藝之堂棲軍之舍更張沿襲之略禮樂節文之詳舉一切損益廢置胥萃焉始余子為此意在委曲纖悉蚤夜不少懈余獨以謂宜遵簡易第恐先後終始

歸綏縣志

吳序

之要仍渺弗易得也况歸綏古實遐徼其秉阨塞地利以與中原角逐者奚啻一族一代蕃輔既久修祭祀奉貢職涵煦累千百秋以至今日其可以無志耶余幼既權醕綏遠中復一視子疾迄今歲癸酉典試計恰三度莅止人事倉卒忽忽已三十年今雖人地遠違而水土所殖物類所珍猶歷歷如在吾目是果緣或使然歟惜乎歸綏宜有志而嚮無也今志粗具矣又不可無弁言以冠其首子盍為吾謀焉次溪曰諾越日次溪攜志略來乞序余取而讀之立綱陳紀輕重同得殆有如昌黎所

謂莫不忖度而後從事者雖然微友漁則綏志不成微明府作宰彼邦則綏志仍無以成日中必焚操刀必割乘今之時因人之助友漁蓋嘗以是勗其子者值此講張為幻乃諺既誕之世語及檮杌直同跋盞藉非友漁賢父子於政理清明之暇從容討論復得邦人君子相與網羅放失彙成巨觀詎能品節詳明炳蔚如此名山一卷執簡御繁功詎在康崑崙下耶彼迂遠者烏足語此信乎名譽之美足垂無窮已少漁名植昌籍桂林其為政保惠庶民能以循吏自勉友漁更恣意所存斐然有其述作至於所善又寔寔乎使古人無以遠邁根垓既深每有觸發遂不自覺其取於心注於手而汨汨然來也往讀其淡志室集已為之擊節者再懷文抱質來者難誣次溪得是而師友焉亦云幸矣閱志略竟樂為之紀其詳豈獨以慰歸綏人士之思將使後之尹是邦者得觀覽焉序成還以質諸友漁喬梓甲戌十月下浣桐城吳閩生

拙稿奉呈

友漁先生教正



歸綏爲綏遠附郭首邑向無縣志余子植昌爲令是邦嘗欲創修而未果民國二十二年五月裕孚奉

簡命典試綏遠諸士紳因植昌以纂述相屬試竣返北平卽以訪稿見寄旣辭不獲乃就所灼知副實者立目若干條各以其類系屬聞見所及時有增益歷時數月粗具簡編大抵亦沿方志先例而更損益其間以爲窮古往今來之蕃變以會其通推天行人事之奧衍以究其際體裁節目有不憚斷然創始者凡括十四大目四十餘小目而成書裕孚私嘗推溯方志源流若禹貢職方山海經漢書地理志後漢書續郡國志晉書及歷朝正史之地理志又李吉甫元和郡縣圖志樂史太平寰宇記王存元豐九域志歐陽忞輿地廣記王象之輿地紀勝明清之一統志皆同一統系相襲相因爲方志之權輿漢

歸綏縣志

序

以後諸州記爲私家著述詳於地理山川物產故蹟而不復措意人物傳記獨張澍所輯段龜龍之涼州記并紀呂光呂纂事狀諸州記今俱佚唐陸廣微之吳地記今尙存蓋沿用諸州記之體者至如圖經之名始見隋書經籍志蓋地理以圖爲主圖之注卽經也唐代圖經著爲功令奏進年限甚密故各地有之後來如李宗諤之祥符圖經朱長文之吳郡圖經續記及淳祐嚴州圖經皆傑出者郡縣志之最早者爲北宋宋敏求之長安志南宋范成大之吳郡志高似孫之剡錄諸書聚類同條備有眾材視諸州記及圖經略於人物傳記者其疏密大相逕庭蓋方志之書合地理傳記而爲一徵諸古籍若越絕書之共分六體內經內傳外傳記考序華陽國志之具有志表傳贊實爲星宿之源此方志沿革之大略也竊謂方志之學宋元而外以明清兩

代爲極盛概括言之可分爲兩時期自明初訖清康熙爲一時期可名之曰舊派自雍正訖同光爲一時期可名之曰新派舊派原於功令明代修志凡例頒自官家見景泰荆州郡志序在明以景泰寰宇通志明一統志及朝邑武功耀州華州等關中十志爲代表在清以頒行之河南陝西兩通志及靈壽志爲代表新派原於學術而學術以史部爲不祧之祖乾隆一統志官書之熱河盛京西域三志雍正陝西乾隆浙江兩志及章實齋學誠謝蘊山啓昆諸家之書并爲此時之代表而浙陝兩志實啟新派之端當其時清廷垂意修志開新變故一洗前頒河陝志之陋雍正八年特旨頒布四要語曰考據詳明采擇精當既無闕略亦無冒濫本此以定疆吏之考成復裕之以經費寬之以時日一時各行省皆延攬名流主修書事是以浙陝兩志獨著精

歸綏縣志

序

二

能厥後更歷六七十年孫星衍洪亮吉李光洛董祐誠陸繼輅江藩

諸家孳孳講求新機日闢其間如周永年書昌阮芸臺元高雨農樹

然陳左海壽祺鄧湘皋顯鶴汪梅村士鐸吳摯甫汝綸陸存齋心源

諸氏代有作者而不外譔著纂輯兩體新舊兩派各有依據求其體

質通方終歸新派要而論之詞章家之志簡而文明代作者樞經仿

史務趨雅贍清代則以方望溪苞姚姬傳鼎魯通甫一同王壬秋闓

運吳昆田魯仲實蕡諸人爲代表義理家之志簡而質明代作者如

章楓山懋耿天台定向蔡松莊元偉呂涇野枏唐一菴樞諸人之書

俱辭尙體要清代則以陸稼書隴其孫酉峯景烈諸人爲代表又考

據家之志盛於清代其用簡而能斷則劉衛園淇戴東原震段懋堂

玉裁劉楚楨寶楠徐松龕繼畬吳摯甫楊秋湄篤諸人爲代表其歸

宿亦原於學術宋元以來方志標目約有四類一以兩字標目不加志字如宋范成大吳郡志是一標目下加志字如宋潛說友臨安志是一分錄圖表志傳如宋周應合景定建康志是一畫一名稱如宋梁氏三山志統稱曰類羅氏四明志統稱曰叙元袁氏四明志統稱曰考是之四類者明清兩代大都沿襲前兩類舊派用之後兩類新派用之迨章實齋出定爲紀圖表考略傳復翼之以掌故文徵胡維君度主其說修廣西通志後阮文達陶文毅孫文靖亦俱仿效之而志之體例始純至分目之多且僻者莫如明代之閩書如方外則稱空空玄玄武官則稱靺鞨清洪稚存之登封縣志汪梅村之同治上江兩志分目亦多新名若夫研求修志取材之法清代則有阮芸臺

說見道光儀徵縣志序

方彥聞

履籤有採訪條例見道光武陟縣志

管緘若

世銘其說見韞山堂集

陳蘭甫

歸綏縣志

序

三

禮有肇慶府修志章程十四則見粟香四筆

汪梅村

有商例見同治上江兩志

吳摯甫

有採訪志書條例十六則見吳

氏日

孫仲容

語讓有瑞安縣志局總例六條見籀膏遺文

之說可資檢討尤莫如章氏實

齋倡州縣宜別立志科之議儲材於平日體大思精信乎前人所未發也裕孚殫心方志竊蓄深念今爲歸綏縣志序不期旁軼橫出輒恣論方志源流派別如此自維受性顛愚識限方域勉千慮之一得附尺壤於崇邱當世鴻秀偉彥之倫叩其兩端匡厥疏謬企而望之桂林鄭裕孚

歸綏縣志序

方志之書宣渫民風羽翼淳史稽文責實探敷治
之原彰往開來著壇進之迹先民秉筆誼例各殊
莫不綜括源流權輿得失究一方之典垂千載之
鑒絜矩同貫其揆一也歸綏地當朔方夙為雄鎮
曩在勝朝臨以鎮守將軍統轄右衛更置副都統
暨分巡兵備道治理旗蒙事務本固圉之規隆邊
陲之寄設險守國道則然已降逮民主由特區而
建行省歸綏遂為附郭首縣區域增拓生齒日繁
溯厥遷流非復舊貫重以異族潛窺蒙疆多故維

歸綏縣志

鄭序

茲一隅所繫於國防者不啻倍蓰於百年前而縣
志迄今未創遺文前獻徵信無從斯非臨民者之
責乎建國二十一年春植昌自武川移宰是邦甫
下車詢知方志闕如即欲集議興修綏遠通志館
館長郭君併卿編輯榮君耀宸通方博瞻君子也
亦謂縣志宜先於通志適 家大人奉

簡命典試莅綏知育斯舉詔以體幹督勉有加爰
即謀諸紳彥斷然創始徵訪譔輯分科立條歸綏
嚮無志乘又甚鮮私家紀述舉凡文物升降民生
榮悴淪湮已久搜證彌難而限期迫促經費拘牽

勉循狹隘之途以馭紛綸之局提挈綱領抑尤難
焉迨巡三月粗具規模諸士紳以 家大人前者
莅綏固嘗樂贊厥成屬植昌以志福求定 家大
人殫心方志有年以質實有用為主嘗謂人羣翕
關邁會攸殊籥其至蹟絜其至渙庶幾造端宏遠
與世界史地學相衡單辭隻見獨揭精能敘錄具
存梗臬可覩茲刪定是書大抵亦循方志舊例而
不為墨守凡立目若干各以其類系屬因創損益
務推其原俾會支離悉從刊落惟備禡頗速將以
供綏遠通志未錄藉塞縣人之望若遂謂垂一方
歸綏縣志

鄭序

之典章與良史為騁新則不特植昌弗敢以左券
自期即 家大人亦所遜讓未遑者也諸士紳預
於斯役者或任采訪或助校輯咸能同聲壹志相
與以有成梓名簡端庶彰勤瘁刊行有日輒述要
略世之君子以覽觀焉

中華民國二十四年一月歸綏縣縣長鄭植昌序

歸綏縣志目錄

題名

凡例

綏遠省全圖

附各縣疆域沿革表

歸綏縣全圖

歸綏城郊圖

歷代輿地沿革圖

輿地志

沿革 疆域 山川 區村 古蹟 氣候

建置志

城市 廨宇 溝洫 橋梁 營堡

民族志

種族 戶口 禮俗

經政志

賦役 金融 賑恤 警衛 交通 墾務

歸綏縣志

目錄

學校志

學廟 學校

神教志

宗教 寺廟

黨務志

農業 林業 工商業 礦業 牧業 野業

職官志

選舉志

科貢 秩考 辟薦 民選 卒業 仕籍

人物志

列女志

藝文志

金石志

歸綏修志局題名

總纂

簡派綏遠省普通文官考試典試委員 桂林 鄭裕孚

主修

歸綏縣縣長 桂林 鄭植昌

局長

縣黨部執行委員兼常務委員 邑人 徐德

總務股

股長 現任 建設局局長 邑人 趙國襄

副股長 現任 縣政府第二科科長 邑人 亢錦榮

股員 現任 縣政府第二科科員 邑人 李子芸

歸綏縣志

題名

一

股員 現任 財務局局長 邑人 劉丕巢

股員 現任 縣公安局局長 安北 李瑞廷

調查股

股長 現任 教育局局長 邑人 趙允仁

副股長 現任 縣黨部執行委員 邑人 吳致中

副股長 現任 縣政府第一科科長 陽信 趙錫麟

股員 現任 教育廳科長 邑人 趙國鼎

股員 現任 縣黨部執行委員 邑人 王澤民

股員 邑人 解守業

股員 前任 縣議會議員 邑人 周尙禮

股員 前任 縣議會議員 邑人 李懷謙

股員現任通志館採訪員 邑人 韓 桂

校輯股

股長現任縣政府秘書 太谷 趙羨漁

股員現任縣政府秘書 河間 劉錫恩

股員兼繪圖現任縣政府科員 垣曲 崔希賢

股員現任縣黨部幹事 邑人 陳毓華

股員 邑人 高德榮

股員 北平 甯守謙

股員現任農會文牘 邑人 郝大中

繪圖員 介休 鄭任亦鸞

歸綏縣志

題名

二

凡例

一本志分目凡十有四曰輿地志曰建置志曰民族志曰經政志曰學校志曰神教志曰黨務志曰產業志曰職官志曰選舉志曰人物志曰列女志曰藝文志曰金石志

一方志分目或曰略或曰考或曰錄或曰紀定名至不齊一本書總名曰志分目亦以志爲別從華陽國志例也

一昔人以繪帛爲卷蓋取卷藏之意近則楮墨簡便纂載彌繁仍襲卷稱似無所取故本志各門皆自爲起訖不復分卷

一本志援引各書概於各條下標舉原書名稱旣以明所自來並示不敢掠美

一方志之學首重輿圖誠以疆界阨塞代有變遷非賴輿圖不足以

歸綏縣志

凡例

一

正傳說之誤昔清王源考天下形勢嘗著輿圖指掌所爲圖有縱橫徑丈者當時歎爲絕學本志歷代輿地沿革圖撫自楊守敬本其綏遠省全圖暨歸綏疆域圖歸綏城郊圖皆根據最近實測凡稍涉舛錯者悉爲釐正

一山川城堡園亭塋墓確在縣境有關古蹟者本志悉爲叙錄至濫構八景徒供吟料識者無取概從刪削

一廨宇斷自縣政府及其所屬機關縣以上各官署及其他局所學校別爲一覽表列之廢署另列學校已見學校志者不再見

一各志向鮮志民族者歸綏五族雜居生聚日庶溯其移殖之始考其同化之由實爲治國聞者所必具故本志志之至方言一門因種族區分遂譯溝通尤關切要唯訪稿未詳暫付闕如做陳氏定

海縣志例存其目以待來者

一賦役要政關係民瘼各志往往從略損益難知歸綏於明嘉靖時
諸達始內附故志賦役斷自明始邑鄰沙漠地本磽薄清季以逮
民國因事興徭困於供億茲做陸氏靈壽志吳氏深州風土記例
一一志之魴鱗其尾民勞待憩臚記往迹以做方來

一歸綏墾務爲地方要政腴畝錯互美利浩穰民食國賦胥資於是
設局領地創自張文襄之洞撫晉時光緒季年特簡墾務大臣辦
理墾地規模始巨本志綜括全省墾務情形撮要記載不以歸綏
一縣爲限俾覽者得窺其全非漫無界限也

一各志文廟多列入祀典清李元度譟湖南通志列文廟於學校獨
具卓識誠以孔子爲儒家之祖學宮爲作育人才之地春秋丁祀

歸綏縣志

凡例

二

以時講肄非瞻拜偶像可比茲從其例

一各志寺廟一門有列祀典者有列古蹟者陸氏靈壽志凡寺廟不
在祀典者不列民國祀典尙未頒布若將寺廟列諸古蹟則凡新
建者又無所附麗他如基督教堂回教清真寺亦不能不列故做
劉氏平陽縣志列神教一門凡宗教寺廟均列此志

一董氏長安縣志職官斷自知縣縣以上官不列姚氏江寧府志亦
以知府爲止茲從其例同知以上官不列訪稿對職官記載未備
參考縉紳錄復旁加搜采頗有增載亦殊不全籍貫出身及服官
年月尤未完備其一人而歷官多次者表內亦數見從周氏乾道
臨安志例也

一凡曾任前清及民國官吏者不論正途雜職均列入仕籍其曾任

職官而姓名已見科貢秩考卒業各門者援楊氏西寧縣新志例概不重列

一 人物二字列目濫觴於江做陳留人物志陽休之幽州古今人物志自是志人物者十九沿襲無以更易

至順鎮江志曰人才萬氏淳化志曰士女戴氏昆明

志曰雖嘉定王氏斥爲不辭而由來已久殆成通例本志仍之從其朔也

一 歸綏本土默特地土默特之人物已收土默特志邇者五族共和泯除畛域土默特人物苟有可紀本志悉予采錄惟以居歸綏者爲限又滿洲屬籍駐防綏遠者有綏遠旗志可考本志原可從略第以旗志鮮傳亦難賡續而綏遠通志又未告成深慮日久無徵故與土默特人物一體纂錄藉存遺獻非僅援五族一家之義也

歸綏縣志

凡例

三

一 各志載藝文多以詩文充數會稽章氏極言其失本志不載詩文除列縣人所撰書目外做楊氏蔚州志例凡地方長官及宦游諸人所著所刊之書均附列於後焦氏揚州足徵錄兼收外鄉人著作劉氏師培頗同其旨本志竊有取焉

一 各志多以金石附庸藝文之末實則金石介乎藝文物產之間段氏益都志周氏永清志俱以金石立專志武氏偃師金石志嚴氏江寧金石志搜討豐富義例尤嚴本志從之惟以歸綏碑碣無多故并民國列入凡碑額碑陰及碑側題記亦均詳錄並錄尺寸一本志草創於民國二十三年故備稿斷自二十三年止凡事實在是年以後者概不載錄